

neke izmjene proširila na Balkan i učvrstila u Bosni. O bogumilstvu svjedoče mnogi nadgrobni spomenici u Bosni i Hercegovini. 40.000 bogumila iseli se iz Bosne i nastani u Hercegovini, gdje kasnije primi islam. Njihovi su nadgrobni spomenici u Hercegovini mjestimice golemih razmjera.

Konjic je odlična polazna tačka za razne planinske ture: Na Boračko jezero (402 m), dugo 706 m i u Bijelu dolinu (2½ s. hoda). Na jugoistoku od Konjica dobrim putom u dolinu pod Vrapcom (806 m), odakle se pruža krasan vidik na Bijelu Dolinu. S Vrapca starim turskim drumom, do visoke ravnice, s koje se Borački potok uskim klancima ruši u lijepim slapovima, a malo dalje otvara se vidik na tamnozeleno Boračko jezero u dubokoj udolini. Usponi na Prenj (Zelena Glava 2123 m, Lupoglav 2102 m), na Veliku Kapu (2004 m), Borašnicu (1887 m), Ljeljen (1064 m), Treskavicu (2079 m), Ivan planinu (1744 m) itd.

